

國
朝
大
事
記

國朝大事記

目錄

遼左肇基紀畧第一

遼左肇基紀畧第二

遼左肇基紀畧第三

世祖開國大政紀畧第四

遼左肇基紀畧卷一

任邱金象豫介公輯錄

我朝先世發祥於長白山。山高二百餘里，綿亘千里。山上有潭，曰闔門，周八十里。鴨綠混同愛濤三江出焉。望氣者言其地將生聖人，統一諸國。山之東有布庫里山，山下有池，曰布爾里湖。相傳有天女三，長恩固倫，次正固倫，季佛庫倫。浴於池，浴畢有神鵲啣朱果置季女衣。季女吞之，遂有身。尋產一男生而能言，體貌奇異及長，母告之故，因命之曰天生汝以定亂國。其以愛新覺羅爲姓，布庫里雅順爲名。母凌空去。

子乘小船順流至河。步登岸。折柳及野蒿爲坐具。端
跌其上。其地有三姓爭雄長。構兵仇殺。有取水者。奇
其狀貌。歸告衆。走問語以姓氏。且曰。我天女佛庫倫
所生。天命定汝等之亂。衆驚曰。天生聖人也。昇歸奉
爲主。居長白山東。俄漠惠之野。俄朵里城。國號滿洲。
數傳。遭國人叛。族被戕。幼子范察僅以身免。遁於野。
國人追之。有鵲止其首。追者以爲枯木。因得脫。又數
傳。至。

肇祖原皇帝。姓愛新覺羅氏。諱都督居虎欄哈達山下。赫
圖阿喇地。有智畧。計執先世仇人之後四十餘人。半

誅半釋之。盡復故地。生子二。長充善。次褚曷充善。生子三。長安羅。次安義。謨。次錫寶。齊篇古。錫寶。齊篇古。生子一。即

興祖直皇帝。諱都督生子六。長德世庫。次劉闌。次索長阿。

次即

景祖翼皇帝。諱覺次包郎阿。次寶實。德世庫居覺爾察地。

劉闌各居阿哈河洛地。索長阿居河洛噶善地。

景祖居祖基阿喇地。與五城相距。近者五里。遠者二十里。

包郎阿居尼麻喇地。寶實居彰甲地。六人各築城分居。稱為寧古塔貝勒。是為六祖。

景祖生子五。長禮敦巴圖魯。次額爾袞。次界堪。次即

顯祖宣皇帝。諱塔克世次塔察篇古。

顯祖嫡妃喜塔喇氏。乃阿古都督如是爲

宣皇后。生子三。長即

太祖高皇帝。次曰舒爾哈齊雅。次曰巴雅喇。庶妃生子一。

曰穆爾哈齊。

太祖高皇帝。諱努爾哈齊稱爲聰睿貝勒。生明嘉靖三十八年。

己未。孕十三月而生。龍顏鳳目。偉軀大耳。聲若洪鐘。

十歲時。

宣皇后崩。繼妃納喇氏撫育寡恩。年十九。俾分居。予產獨

薄後知其才德復厚予之。

太祖辭勿受。時有碩色納者九子俱獷悍。又有加虎生子七。躋捷多力。能披甲躍九牛。二族強凌諸路。

景祖饒才智。兼禮敦英。勇破滅之。盡收二嶺。東蘇克蘇。許河西二百里內諸部。由此遂盛。癸未年。明萬曆十一年滿洲蘇克蘇。許河部圖倫城有尼堪外蘭者。陰構明寧遠伯李成梁。遣遼陽副將攻克沙濟城。殺城主阿亥章京。復合兵攻古勒城。城主阿太章妻乃禮敦巴圖魯之如。

景祖聞警。恐女孫被陷。偕

顯祖往救。先後入城。欲攜女孫歸。阿太章京不肯。成梁攻城不克。尼堪外蘭請往招撫。給城中人以能殺阿太來降者。即命爲城主。城中人信之。遂殺阿太以降。成梁誘城中人出屠之。并害

二祖

太祖聞之。大慟。詰明邊吏。明歸我

二祖喪。與勅三十道。馬三十匹。封龍虎將軍。復給都督勅書。

太祖欲得尼堪外蘭。明人不肯。且曰。當今爲滿洲國主。國人信之。皆歸尼堪外蘭。同族寧詒古塔諸祖子孫亦

欲害

太祖以歸之。尼堪外蘭又迫

太祖往附。

太祖思復仇。以

顯祖遺甲十三副。謀伐尼堪外蘭。時年二十有五。癸未年。太祖往攻尼堪外蘭於圖倫城。克其城。時兵百人。甲十三

副而已。六月。德世庫、劉蘭索長、阿寶實等子孫忌

太祖、英武同謀加害。夜半潛至城。緣梯而上。

太祖覺之。遁去。八月。復往攻外蘭於甲反。外蘭遁。追之勿
及。六祖寶實之子康嘉與綽克塔覺善。同謀糾合哈

達國萬汗兵劫我所屬瑚濟宅而去。分所獲於中途。我部將安費揚古及巴遜率十二人追敗之。殺四十人。獲所掠而還。是時滿洲別有五部。曰蘇克蘇許河。曰渾河。曰王甲。曰董鄂。曰哲陳。長白山二部。曰訥殷。曰鴨綠江。東海三部。曰渥集。瓦爾喀。庫爾喀。扈倫國四部。曰烏喇。哈達。葉赫。輝發。各主其地。互相攻戰。丙午年七月。明人執尼堪外蘭付我殺之。自此明歲輸銀八百兩。蟒緞十五疋。通和好焉。丁亥年正月。於碩里口虎欄哈達東南。加哈河兩界中平岡。築城三層。並建宮室。六月。始定國政。禁悖亂。戢盜賊。法制以立。歸

附益衆。國勢日盛。歲以我國珍異。於撫順清河寬奠
靉陽四關口。與明互市。辛卯年正月。遣兵畧長白山
之鴨綠江。盡收其衆。癸巳年九月。葉赫哈達烏喇輝
發北嫩河蒙古科爾沁席北部卦爾察部及滿洲長
白山所屬朱舍里路納殷路九姓之國。合兵三路來
侵。凡三萬人。

太祖禦之於古勒河。對黑濟格城結陣。及戰。葉赫貝勒布
賽直前衝入。乘馬觸木而踣。我兵吳談刺殺之。敵兵
遂亂。諸貝勒膽落。棄衆奔潰。擒烏喇貝勒布占泰。斬
級四千。獲馬三千匹。甲千副。自此遠近懾服。

戊戌年。哈達貝勒孟格布祿所居城北溪中流血。
己亥年。二月。將蒙古字制爲國語。創立滿文。九月。征
哈達。擒其貝勒孟格布祿。滅之。盡服其屬城。

辛丑年。始編三百人爲一牛錄。每牛錄設額真一。
癸卯年。正月。自虎欄哈達南岡移於祖居蘇克蘇辭
河加哈河之間。赫圖阿喇地築城居之。

乙巳年。三月。更築大城環之。

丙午年。蒙古諸貝勒遣使尊

太祖爲神武皇帝。

丁未年。九月。丙申。彗見東方。入夜方滅。指輝發國時。

輝發叛。是月率兵征之。克其城。誅其貝勒拜音達禮。父子遂滅輝發。

己酉年。侍衛扈爾漢征東海渥集部所屬之渚野路。取之。收二千戶而還。

庚戌年。額亦都率兵征東海渥集部之那木都魯綏分寧古塔尼馬察四路。招其部長康古禮等。回師取雅攬路。俘萬人。

辛亥年七月。命阿巴泰費英東安費揚古率兵取渥集部之烏爾古宸木倫二路。十二月。命額駙何和果巴圖魯額亦都達爾漢侍衛扈爾漢率兵征渥集部。

之虎爾哈路。克其扎庫塔城。俘二千人。

壬子年。烏喇國背盟。親征之。克其臨河六城。毀之。

癸丑年。正月。復親征烏喇。戰於伏爾哈城。大敗之。乘勢克其城。貝勒布占泰竄遁。葉赫收撫其屬邑。烏喇

遂亡。

乙卯年。

明萬曆四十三年

既削平諸國。每三百人。設一牛錄。

額真五牛錄。設一甲喇。額真五甲喇。設一固山。額真

每固山額真左右設兩梅勒額真。初設黃紅藍白四

旗。至是添設四旗。參用其色。鑲之。共八旗。行軍時。地

廣。則八旗並立。分八路。地狹。則八旗合一路。每戰。長

矛大刀爲前鋒。善射者從後衝擊。精兵勿下馬。相機接應。克敵後。核功必以實。又置理政廳。訟大臣五人。札爾固齊十人。佐理五日。一視朝。凡有聽斷。先經札爾固齊十人審問。然後言於五臣。五臣審問。言於衆貝勒。議定奏明。

丙辰年。羣臣尊

上爲覆育列國英明皇帝。建元天命元年。是年。上五十有

明萬曆四十四年

七月

諭議政五大臣曰。凡事不可一人獨斷。如一人獨斷。必致生亂。國人有事。當訴於公所。毋訴於諸臣之家。其有

私訴者。付以鞭索。俾執而責之。貝勒諸臣有罪。束身
靜聽。如例審斷。執拘不服。加以重罪。凡事俱五日一
聽斷於公所。

命扈爾漢安費揚古征東海薩哈連部。取河南河北寨三
十六。八月黑龍江橫結冰橋一道。約廣六十步。引兵
渡。遂取薩哈連部內十一寨。又招服使大路諾落石
拉忻路。路長四十人。

天命三年。明萬曆四十六年三月征明。臨行書七大恨告天。
其詞曰。我之

祖父。未嘗損明邊一草寸土也。明無端起釁。邊陲害我。

祖父恨一也。明雖起釁。我尚欲修好。設碑勒誓。凡滿漢人等勿踰疆圉。敢有越者。見即誅之。見而故縱。殃及縱者。詎明復渝誓言。逞兵越界。衛助葉赫。恨二也。明人於清河以南。江岸以北。每歲竊踰疆場。肆其攘奪。我遵誓行誅。明負前盟。責我擅殺。拘我廣寧使臣。綱古里方吉納。挾取十人。殺之邊境。恨三也。明越境以兵助葉赫。俾我已聘之女。改適蒙古。恨四也。柴河山岔撫安三路。我累世分守疆土之衆。耕田藝穀。明不容刈。獲遣兵驅逐。恨五也。邊外葉赫。獲罪於天。明乃偏信其言。特遣使臣。遺書詬詈。肆行凌侮。恨六也。昔哈

達助葉赫二次來侵。我自報之。天既授我哈達之人。
矣。明又黨之。挾我以還其國。已而哈達之人數被葉
赫侵掠。夫列國之相爭伐也。順天心者勝而存。逆天
意者敗而亡。何能使死於兵者更生。得其人者更還
乎。天建大國之君。即爲天下共主。何獨構怨於我國
也。初扈倫諸國合兵侵我。故天厭扈倫。啟釁。惟我是
眷。今明助天譴之葉赫。抗天意。倒置是非。妄爲剖斷。
恨七也。因此七大恨。是以征之。遂率步騎二萬圍撫
順城。遊擊李永芳降。撫順東州馬根單三城。及臺堡
悉下。撫順守將王命印死之。廣寧總兵張承蔭率師

往機我軍乘風奮擊大破之。承蔭及副將顏廷相、參將蒲世芳等皆戰死。士卒逃歸者十無一二。

天命四年正月，征葉赫，取大小九寨二十餘。及蒙古游牧畜產。二月，明經畧楊鎬率總兵杜松、趙夢麟、主宣劉綎、李如柏、馬林、副將賀世賢、麻巖、道員張銓、康應乾、閻鳴泰、潘宗顏等統兵二十萬，號四十七萬。於三月初一日出邊，分四路進攻，並趨我都城。二月二十九日，明總兵杜松等督兵六萬出撫順關，而南路偵卒又以明兵進董鄂境告。

太祖曰：「明使我先見南路兵者，欲誘我南也。其由撫順西。」

來者必大兵也。破此則他路不足患矣。即統兵出而令大貝勒代善前行。過札喀關。四貝勒曰。界凡山下我築城。夫役在焉。倘明兵攻之。奈何。遂急進界。凡界對明兵而陣。初我國防衛築城。夫役之兵四百人。伏撒爾湖谷口。明總兵杜松王宣趙夢麟之兵過谷口。將半尾擊之。追至界。凡渡口與築城夫役合。據界凡山之吉林崖。杜松營於撒爾湖山。而自引兵圍之。衆貝勒至。遣兵千人往助吉林崖。太祖亦至。曰。先破撒爾湖所駐兵。則界凡自喪膽矣。於是分右翼之二旗與左翼四旗合攻之。不移時破其營。

而所遣助吉林崖之兵自山馳下擊明兵右翼二旗
兵渡河夾擊明兵之在界凡山麓者大破其衆杜松
王寧趙夢麟等戰死追奔二十里時馬林營於尚閒
崖嚴兵自衛潘宗顏一軍距西三里外營飛芬山遊
擊龔念遂李希泌營於它洪萼漢地四貝勒奮勇衝
入明兵大敗念遂希泌陣歿

太祖親馳至尚閒崖明兵突至大貝勒怒馬入其陣二貝
勒阿敏三貝勒莽古爾泰與衆台吉等各鼓勇急進
明兵大敗斬其副將麻巖等馬林遁免

太祖復馳攻飛芬山潘宗顏全軍盡沒乃凱旋還都聞劉

紇由寬奠口李如柏由清河進虎欄路。謀犯都城。遣大貝勒三貝勒四貝勒往禦劉綎。而留兵四千於都城。待如柏等。初劉綎出寬奠進董鄂路。先遣萬人前掠將趙阿布達里岡布陣。四貝勒率兵登岡。馳下擊之。戰方酣。大貝勒率左翼兵自山西夾明兵潰。我兵追擊與劉綎。綎倉卒不及陣。遂戰死。時明海蓋道康應乾合朝鮮兵營於富察之野。遂勒兵攻之。明兵發火器。忽大風晝晦。烟塵反撲敵營。我軍乘之殲其兵萬人。應乾遁。朝鮮元帥姜宏立率衆降。楊鶴聞三路兵敗。急檄李如柏賀世賢等還。六月率兵四萬取明。

開原城明總兵馬林副將于成龍叅將高貞遊擊于
守志守備何懋官皆戰歿。建宮室於界凡城內及諸
臣兵民廬舍。七月。

上率兵攻鐵嶺。斬明遊擊喻成名。史鳳鳴。李克泰等。拔其
城。蒙古喀爾喀貝勒介賽來援。我師追敗之。擒介賽
等十餘人。先是。

上夢天鵝白鶴等翱翔上下。

上羅得白鶴一。呼曰。得蒙古介賽矣。覺以語妃。至是果然。

八月。征葉赫。其貝勒金台吉居東城。

上親圍之。布揚古居西城。命四貝勒率兵圍之。未幾俱破。

執金台吉布揚古縊殺之。屬城盡降。殺明兵之助守者。葉赫亡。自是開擴疆土。東自海。西至明遼東界。北自蒙古科爾沁之嫩烏喇。江南暨朝鮮國境。凡語音相同之國。俱征討徠服而統一之。

扈倫國四部始末

哈達國萬汗姓納喇。其國原名扈倫。後建國於哈達地。因名哈達。乃烏喇貝勒始祖納齊卜祿七代孫也。其祖克習納都督爲族人巴代達爾漢所害。萬奔席北部相近之綏哈城居焉。其叔王住外蘭奔哈達。主其部落。後爲叛者所殺。其子博爾坤舍

殺其人。以報父仇。迎兄萬於綏哈城。爲部主。萬於是攻取附近諸部。還者又招徠之。其勢乃盛。遂稱汗。國號哈達。其時葉赫烏喇輝發及滿洲之渾河部俱屬之。萬爲人殘暴。黷貨無厭。群下致尤。擾害諸路。以故所創基業。旋即自敗。其民多叛投葉赫。先附諸國皆叛。萬卒。子扈爾干立。八月卒。弟康古魯立。卒。弟孟格布祿繼之。己亥年滅。

輝發國本姓益克得里。原烏龍江岸泥馬察部人。始祖昂古里星吉力。自黑龍江載木主。遷於渣魯居焉。有扈倫國人噶揚噶圖墨土。姓納喇氏。居於

張他因附其姓宰七牛祭天改姓納喇。星吉力生子二。長留臣。次備臣。生納領。噶耐寬。納領生拉哈都督。拉哈都督生噶哈禪都督。噶哈禪都督生齊納根。達爾漢。齊納根。達爾漢生王機努。王機努拓服輝發諸部。於輝發河邊扈爾奇山築城居之。國名輝發。其時蒙古察哈爾查薩克圖土門汗自將圍其城。不克而還。王機努自勒卒。孫拜音達禮殺其叔父七人。自爲貝勒。丁未年滅。烏喇國本名扈倫。姓納喇。後因建國烏喇河岸。故改名。始祖名納齊卜祿。生商堅。原爾和齊。商堅。原

爾和齊生加麻喀碩朱古。加麻喀碩朱古生綏屯。
綏屯生都爾機。都爾機生子二。長克習納都督。次
古對朱顏。克習納生轍轍木。轍轍木生萬古對朱
顏。生大蘭。大蘭布顏。布顏盡服烏喇諸部。築城於
烏喇河岸。洪尼地。自稱貝勒。生子二。長布干。次傳
克多布顏。卒。子布干立。卒。子滿太立。至滿太弟布
占泰。癸丑年滅。

葉赫始祖蒙古人。姓土默特。初滅扈倫國。所居張
他之納喇姓部。遂據其地。冒姓納喇。後遷葉赫河
岸。建國名。始祖星根達爾漢。生席爾克明噶圖。席

爾克明噶圖生齊生噶尼。齊生噶尼生褚孔格。褚孔格生太杵。太杵生子二。長青佳砮。次楊吉砮。皆稱貝勒。明萬曆十二年。寧遠伯李成梁受哈達賂。誘青佳砮楊吉砮至開原。殺之。青佳砮子布寨。楊吉砮子納林布祿。各繼父爲貝勒。成梁屢攻之。不克。及納林布祿弟金台吉。布寨子布揚古。嗣爲貝勒。天命四年己未亡。

天命五年。明泰昌元年正月。察哈爾林丹汗執我使臣碩色吳巴什。先是我羈其使臣康喀爾拜虎。至是釋其從者。俾持書往約歸我使。逾期不至。會北蒙古五部。

落喀爾喀貝勒來言。我使被殺。乃誅康喀兒拜虎。後
碩色吳巴什竟逃歸。三月。論諸臣功。序列武爵。分
總兵官品級爲三等。副叅遊擊亦如之。衆牛錄額真
俱爲防禦官。每牛錄下設千總四員。六月。樹二木
於門外。有欲訴者。書而懸之。木覽其顛末。而按問焉。
由是民情巨細得上達。八月。親征明。由懿路蒲河
二路進。追擊明總兵賀世賢等。抵瀋陽北門。斬百餘
級。十月。自界凡遷於撒爾湖。築軍民廬舍。
天命六年。明天啟元年二月。親畧明奉集堡。三月。大軍
征明。攻瀋陽城。明兵出城禦。我師縱擊。明兵七萬俱
以

潰陣斬總兵賀世賢九世功等。拔其城，盡殲其衆。明總兵陳策兵二萬營黃山，渡渾河來援。

太祖率兵迎之，斬陳策及叅將張名世，餘衆溺渾河，幾盡。又有三總兵李秉誠、朱萬良、姜弼來援。四貝勒迎擊三總兵，遁，追斬三千餘級，復擊渾河以南步兵，斬副將董仲貴、叅將張大斗，悉殲其衆。庚申，乘勝前進，至虎皮驛。辛酉，至遼陽東南。明總兵李懷信、侯世祿、蔡國柱、姜弼、董仲樸率兵至。四貝勒擊之，明兵大潰。距南城七里駐營。壬戌，我左四旗兵奪武靖門橋，樹梯登城，奪西城一面，據其兩隅。是夜，城內明兵列炬拒。

戰達旦。道員牛維曜高出邢慎言胡嘉棟戶部郎中
傅國城遁。明旦復戰。明兵又敗。我右四旗兵亦登城。
明經畧袁應泰督戰。城東北鎮遠樓舉火自焚。守
何廷魁投井死。監軍道崔儒秀自縊。總兵朱萬良等
俱戰歿。擒御史張銓。餘官民薙髮歸順。銓不屈。縊而
葬之。河東七十餘城皆降。

太祖以遼東要害。定遷都。移官民居於北城闕廟。其南大
城則與貝勒諸臣及將士居之。釋遼繫獄官民。奪職
閒居官悉還職。設遊擊八員。都司二員。理其事。發銀
帛大賚總兵以下官及軍士有差。七月鎮江城。中

軍陳良策執遊擊佟養真。湯跣險山二堡民執堡官
陳九階李世科以叛投明。將毛文龍命大貝勒代善
三貝勒莽古爾泰率兵遷金州民於復州。四貝勒二
貝勒阿敏率兵遷鎮江沿海居民於內地。十一月
二貝勒阿敏統兵五千渡鎮江於朝鮮境。攻明將毛
文龍。斬遊擊劉某。及兵千五百級。文龍僅以身免。
天命七年正月。征明。攻克西平堡。斬副將羅一貴。明
總兵劉渠等引兵三萬至。我軍擊敗之。追五十里。總
兵劉渠祁秉忠副將劉徵叅將黑雲鶴遊擊李茂春
張明死焉。經畧熊廷弼巡撫王化貞棄廣寧城遁。守

門遊擊孫得功等遣人請降。己未，大軍赴廣寧。千總石天柱出迎。庚申，鎮靜堡叅將劉世勛、錦州大貝勒四貝勒引兵攻克義州，斬三千級。

太祖還自廣寧，遣迎后妃於遼陽。二月，蒙古兀魯特部明安等凡十七貝勒及喀爾喀部台吉率所屬三千餘戶歸附。

太祖還遼陽，留諸貝勒守廣寧。西平堡叅將鮑承先初遁，至是隨衆來降。三月，築城於遼陽東，五月，太子河邊立宮室，遷居之，名曰東京。

天命八年正月，蒙古喀爾喀五部台吉拉巴西希璧

等率所屬來歸。四月命台吉阿巴泰等統兵三千
征喀爾喀札魯特。斬目勒昂安父子。盡獲其妻孥軍
民畜產。以其執我使臣及要奪我之牲畜也。
太祖御八角殿訓諸公^主以婦道。毋陵侮其夫。恣意驕縱。違

者罪之。

天命九年二月與蒙古科爾沁台吉奧巴會盟修好。
四月奉移。

景祖

顯祖

孝慈皇后諸陵葬於東京。五月明毛文龍遣兵沿鴨綠

江越長白山入寇。我守將蘇爾東安擊之。盡殲其衆。
八月。聞毛文龍渡義州鴨綠江。入島屯田。命梅勒
額真楞額禮吳善襲之。斬五百級。盡焚島中糧而還。
天命十年正月三日。勒莽古爾泰率兵攻明旅順口
城。殲其兵。毀其城。四月王善^{旗第}上之。策征東海瓦爾
喀部還。俘獲甚衆。六月。毛文龍兵三百人夜入耀
州城南之官屯寨。總兵楊古利擊殲之。八月。明寧
遠山海關二路兵夜半襲我耀州城。守將擊敗之。追
至遼河。明兵溺水死者枕藉。獲馬七百。鎧甲器械無
算。侍衛博爾普等征東海南路虎爾哈部降五百戶。

而還。雅護等征東海北路。卦爾察部獲二千人以歸。
毛文龍遣兵三百夜襲我海州所屬張屯寨。守將追
之。斬百七十人。十月。皇子阿拜等征東海。路虎
哈部俘千五百人。

天命十一年正月。親征明錦州。松山大凌河。小凌河。
杏山。連山。塔山。七城。守將焚廬舍。糧儲。適大軍至。寧
遠。明總兵滿桂。道員袁崇煥。叅將祖大壽。固守。攻之。
不克。四月。以蒙古五部喀爾喀貝勒背盟。親征之。
四貝勒射殪其貝勒囊奴克。五月。毛文龍遣兵攻
我撤爾湖城南門。我總兵巴篤禮敗之。追戰二百餘

級 七月癸巳

太祖幸清河湯泉不豫丙午乘舟還京庚戌崩於斂健堡

距藩陽城四十里年六十有八元妃佟甲氏諱哈納

親生子二長褚英先號洪巴圖魯次次代善巴圖魯

繼妃富察氏代名生子二長莽古爾泰次德格類

孝慈高皇后葉赫納喇氏諱孟古姐葉赫誕

太宗文皇帝繼立大妃烏喇納喇氏名阿生子三長阿濟

格次多爾袞次多鐸側妃伊爾根覺羅氏生子一阿

巴泰又庶妃中生子六阿拜湯古代塔拜巴布泰巴

布海賴慕布

遼左肇基紀畧第二

任邱金象豫介公輯錄

太宗文皇帝

諱皇太極。史臣云：太祖命名時，國中原無漢與蒙古書籍，及爲汗，閱漢蒙古書，漢之儲君

曰：皇太子，蒙古繼立者。曰：皇太極，天意已預定矣。

太祖第八子。生明萬曆二十年壬辰十月二十五日辛亥。

申時爲大貝勒，與代善、阿敏、莽古爾泰共理政。

太祖崩，大貝勒代善等合詞請速登大寶，以天命十一年

九月，庚午朔，即位。時年三十五。改明年丁卯爲天聰

元年。赦殊死以下，設八大臣。正黃旗納穆泰，鑲黃

旗額駙達爾哈，正紅旗額駙和碩圖，鑲紅旗侍衛博

一

爾晉鑲藍旗顧三台。正藍旗拖博輝。鑲白旗車爾格。
正白旗喀克篤禮。烏八固山額真。總理一切事務。與
諸貝勒偕坐共議。出獵行師。各領本旗兵行。凡事皆
聽稽察。又設十六大臣。正黃旗拜尹圖。楞額禮。鑲黃
旗伊孫達。朱戶。正紅旗布爾吉。葉克書。鑲紅旗吳善。
綽和諾。鑲藍旗舒賽。康喀賴。正藍旗屯布祿。薩璧翰。
鑲白旗吳拜。薩木什喀。正白旗孟阿圖。阿山。佐理國
政。審斷獄訟。不令出兵駐防。又設十六大臣。正黃旗
巴布泰。霸奇蘭。鑲黃旗多內。楊善政。正紅旗湯古代。
察哈喇。鑲紅旗哈哈納。葉臣。鑲藍旗孟壇。額孟格。正

藍旗昂阿喇。巴勒。鑲白旗圖爾根。伊爾登正白旗康古禮。阿達海。出兵駐防。以時調遣。仍審理詞訟。

命大貝勒代善等。率師征蒙古喀爾喀札魯特部。別遣副將楞額理等。率兵六百。入其巴林地。驅逐哨卒。縱火燎原。以張聲勢。明寧遠巡撫袁崇煥。遣李喇嘛等三十四人來弔喪。并賀即位。因窺我情形。蒙古科爾沁國土謝圖汗遣使來弔。書云。先代因有修福之加。今世乃生受命之君。今聞神武英明皇帝上賓。與巴台吉敢奉書以慰八旗大小諸貝勒。昔察希爾巴敦汗。生西方。握七寶。數盡則死。雪山白獅。其力雖大。

限到亦死。深海之內縱有諸寶無裨於龍王之死。以至寶莊嚴之身亦如石之委而去也。爾皇考爲諸大國之主。捨寵姬愛子。視之不見。呼之不聞。遽爾崩逝。歷觀往古之君。雖號泣不能復生。爾英明皇考之規模典訓具在。當內固基業。外修軍旅。勉力以圖。寡居識賢婦。早孤見慧子。不如盡心崇治大國也。代善自軍中奏捷。獲札魯特貝勒巴克與其二子。及喇什布布戴青采噶爾寨等十四貝勒。俘其人民牲畜而還。楞額理阿山自巴林還。俘獲甚多。十一月。李喇嘛回。遣方吉納溫塔石往。遺書曰。大滿洲國皇帝。

致書於大明國袁巡撫爾停息干戈遣李喇嘛等來弔喪並賀新君即位我亦無別意既以禮來當以禮往故遣官致謝至兩國和好之事

皇考往寧遠時曾致璽書與爾袁巡撫未見回答今汝主如答前書欲兩國和好我當觀其書詞答之凡有言詞須實吐衷情勿事支飾已而崇煥以大明滿洲字並寫不便奏聞令我使齎還原書不遣使亦無回書天聰元年正月命大貝勒阿敏貝勒濟爾哈朗阿濟格杜度岳託碩託統大軍征朝鮮遣方吉納溫塔石遺袁崇煥書歷數其前過七端且言欲修好當每

歲餽遺如約。即以此言轉達爾主。不然。爾仍願兵戈也。三月。方吉納等偕明使杜明忠齎崇煥及李喇嘛書至。崇煥書云。遼東提督部院致書於汗帳下。再辱書教。知汗之漸漸恭順天朝。而息兵戈以休養部落。即此一念好生。天自鑒之。將來所以祐而強大之者。尚無量也。往事七宗。抱爲長恨者。不佞寧忍聽之漠漠。但追思往事。窮究根因。我之邊境細人。與汗之不良部落。口舌爭競。致起禍端。汗過不先作孽之人。即遣人刑難逃。天怒今欲一一開晰。恐難問之九原。不佞非但欲我忘之。且欲汗並忘之也。然十年戰鬥。

驅炎夏之人肝腦塗三韓。膏血漫草野。天愁地慘極
悲極痛之事。皆爲此七宗。不佞可無一言。今南關北
關。安在河東北。西死者寧止十人。仇離者豈止一老
女。遼瀋界內之民。已不能保。寧問由來。是汗之怨。已
雪。而意得志滿之日也。唯我天朝。難消受耳。今若修
好城池地方。作何退出官民男婦。作何送還。是在汗
之仁明慈惠。敬天愛人耳。然天道無私。人情忌滿。是
非曲直。原自昭然。一念殺機。啟世上無窮劫運。一念
生機。保身後多少吉祥。云云。兼欲裁減和禮。撤回征
朝鮮兵。李喇嘛書。盛稱佛教。祈止兵和好。軍中奏

和馬子係
改

言正月十四夜大軍克朝鮮義州城分兵搗毛文龍所居鐵山文龍遁入島進攻定州降其民攻克郭山之漢山城渡嘉上江向平壤進發克安州至平壤城遂駐中和息焉。七日至黃州進駐平山漸逼李侗王宗侑父子皆遁遣族弟原昌君李覺等進馬皮虎豹皮綿紬苧布等物請和。三月三日焚書盟誓我軍還。四月明使杜明忠還答書曰皇帝致書袁巡撫爾來書欲我忘七恨則遣官亦何爲哉。今又云若修好城池地方作何退出官民男婦作何退還以理直在我蒙天垂祐賜與城池官民。今日退還是不願講和。

有意激我之怒耳。又云是在汗仁明慈惠敬天愛人耳。此無俟我言。爾豈不知之。又云所開諸物往牒不載。考舊與視此數多者有之。少者亦有之。我亦悉知。又云方以一介往來。又稱兵朝鮮。何故遂疑汗之言不由中也。夫我豈無故而征朝鮮。何嘗向爾等有不征之說。有何言不由中。而爾疑之也。爾口言修好。乃發哨卒入我境。收納逃亡。修葺城堡。是爾之言不由中也。我將帥實疑爾矣。又云息止刀兵。將前後事情講析明白。此言是也。乃又云往來書札無取動氣之言。恐不便奏聞。夫是與非必須說明。然後和好可固。

若匿其意而不言。徒以無取動氣之言相和。恐難於講和也。如此欺慢之詞。與前遼東廣寧官員相欺。何異哉。又云。只願堅意以事我皇上。宣揚聖德。料理邊情。爾君之德。爾自宣揚之。我異國之人。何由得知。爾之邊疆。爾自理之。我之邊疆。我自理之。我奈何爲爾料理邊情也。不講兩國修好之言。而出此輕人之語。何耶。爾袁巡撫誠明智之人。乃不思如何致太平利國家。爲結好修和之詞。而徒出大言。豈空言可以制勝乎。因爾書有慢詞。故以此相答。至和好之事。爾或懷疑。我無疑也。又云。先開諸物。所當自裁。我所裁者。

初和之禮。爾當送金五萬兩。銀五十萬兩。緞五十萬
疋。布五百萬疋。我國以東珠十顆。黑狐皮二張。貂鼠
皮二千張。人參一千斤。相答。既和以後。兩國往來之
禮。每年爾國送金一萬兩。銀十萬兩。緞十萬疋。校布
三十萬疋。我國以東珠十顆。人參一千斤。貂皮五百
張。相答。若以此言爲然。肯修和好。當即議定爲善。至
袁巡撫來書。尊爾皇帝如天。李喇嘛書中。以異國之
君。列於爾國諸臣之下。此乃爾等私心所爲。非義之
當然也。我今揆之於義。將爾明皇帝比天下一字。我
下爾明皇帝一字。爾明諸臣下我一字。書寫。我知爾

等欺詐。故不遣使。以後凡有書來。若爾國諸臣與我
並書。我必不聽。五月。聞明人於錦州大凌河小凌
河築城屯田。親率將士由上榆林至遼河廣寧直趨
大凌河。明守兵遁。遂圍錦州城。癸巳。攻寧遠。大敗明
兵。己亥。攻錦州。庚子。班師。丁未。還瀋陽。八月。貝勒
岳託敗明兵船於遼河。獲守備等官。

天聰二年

明崇禎元年

正月。親征察哈爾國多羅特部。殺

其台吉古魯。

四月。賜教漢部瑣諾木杜楞額駙號

濟農。

明袁崇煥以總兵毛文龍據南海皮島。與我

國私通。殺之。

五月。聞明兵棄錦州。命貝勒阿巴泰

等畧明地並隰錦州城及杏山高橋并十三站以東
墩臺二十二處。目勒濟爾哈朗豪格征碩特塔布
囊擒之收其人民。九月親征察哈爾國徵各部落
兵科爾沁台吉滿朱習禮教漢部濟農瑣諾木杜楞
奈曼部達爾漢巴圖魯袞出斯札魯特台吉喀巴海
喀喇沁部汗喇思喀布布顏之巴海之子台吉畢喇
什萬旦衛徵塔布囊馬濟目勒取朋等率衆來會丁
丑馳擊席爾哈席伯圖英湯圖等處克之追捕敗軍
至興安嶺獲人畜無算。十二月札魯特部貝勒色
木馬尼舉國來降。

天聰三年正月定直月制。先是天命六年命四大貝勒按月分直。掌理一切機務。至是令以下諸貝勒代理直月之事。二月奉遷。

太祖高皇帝梓宮於瀋陽城東二十里渾河北石嘴頭山。蒙古喀爾喀札魯特部貝勒戴青桑古爾柔噶爾塞等。各率其屬來歸。聞明故將毛文龍屬下漢人由海島移駐朝鮮之鐵山。遣總兵楞額禮勦之。斬級三百七十。擒一百四十人。獲馬二十一。遣總兵吳納格副將蘇納貝勒明安額駙恩格得爾征察哈爾國。降其邊境二千戶。庚戌。

車駕過東京。

三月遣國舅阿什達爾漢同如左休勞心堪等齎勅

諭歸順各部落蒙古諸貝勒。申定軍令。四月命

巴克什達海同筆帖式剛林蘇開碩爾馬渾托布戚

等四人翻譯漢字書籍。巴克什庫爾纏同筆帖式吳

巴什查素喀胡球詹霸等四人記注本朝政事以昭

信史。五月搜勦明故將毛文龍所屬諸島。副將石

廷桂往黃骨島備禦。石爾都他哈布往廣鹿島遊擊

圖魯什往旅順口。羅璧哲爾德清善雅賴往新城一

路。六月備禦博爾察往新城一路。布爾吉赴雅爾

古各擒殺有差。七月命孟阿圖往征瓦爾喀。九

月。貝勒濟爾哈朗德格類岳託阿濟格畧明錦州寧遠。焚其積聚。秣馬田野中。凡一月。俘獲以三千計。至是還。額駙揚古利及阿山。楞額禮雅賴往雅爾古。殺毛文龍屬下採參人。擒千總三員。從人十六。南界守備伊爾登勦獐子島。獲明船四。沈百三人。擒二十人。阿祿部杜思噶爾濟農獻馬通好。十月。親伐明。以蒙古喀喇沁部台吉布爾噶都烏嚮道。命總兵吳納格副將蘇納率兵追察哈爾之逃入明國者。獲人百。馬牛駝羊各有差。乙亥。大軍次老河。命貝勒濟爾哈朗岳託率右翼四旗。及蒙古諸貝勒兵進攻。

大安口至遵化城。合軍命貝勒阿巴泰、阿濟格率左翼四旗及蒙古兵從龍井關攻入。

上與大貝勒代善、莽古爾泰等率大軍繼發。丁丑，左翼攻克龍井關，隨水關而入。明副將易愛參將王遵臣來援，皆敗死。軍至漢光莊城外，會大貝勒莽古爾泰、貝勒多爾袞多鐸至。明副將標下官李豐率民薙髮出降。又招降潘家口守備金有光，遣其中軍范民良將進喬齋書來降。戊寅，攻克洪山口。辛巳，上發洪山口至遵化，遣明巡撫王元雅書。十一月壬午朔，右翼諸貝勒率兵會於遵化。先是濟爾哈朗岳託

等。於十月二十六日。乘夜攻克大安口。遂進軍。明叅將張某率馬步兵來援。我兵擊走其前鋒。明兵屯二營於山上。濟爾哈朗率兵一半。擊敗之。追至馬蘭營。盡殲其衆。又見明二營騎兵自遵化來援。駐深林內。出託又進擊。大敗之。忽又一營敵兵至。隨分兵擊斬之。馬蘭營。馬蘭口。大安口。三城俱降。二十八日。趨石門。降之。羅文峪守備李思禮降。擢遊擊。明總兵趙率教以精兵四千。援遵化。阿濟格擊斬之。莽古爾泰擒其中軍。臧調元。初三日。攻遵化城。正黃旗納穆泰率本旗。攻北面之西。鑲黃旗額駙達爾哈攻北之東。正

紅旗額駙和碩圖攻西之北。鑲紅旗雍舜攻西之南。
鑲藍旗額駙顧三台攻南之西。正藍旗博輝攻南
之東。鑲白旗圖爾格攻東之南。正白旗喀克篤禮攻
東之北。正白旗小卒薩木哈圖先登。大軍俱登。守陴
兵潰。巡撫王元雅自縊。盡屠城中拒命者。殄元雅以
棺收養。原任監司馬思恭郎中賈維鏞。

上酌金卮勞薩木哈圖。褒諭之。授備禦世職。賜號巴圖魯。
命叅將英俄爾岱遊擊李思忠文館范文程等留守。
遵化遣大貝勒莽古爾泰墨爾根戴青貝勒多爾袞
額爾克楚虎爾貝勒多鐸貝勒杜度薩哈廉豪格率

兵二千赴通州河相視津渡兼捕哨卒。

上自三河縣起營。貝勒阿巴泰岳託分路進擊順義縣。

敗大同總兵滿桂宣府總兵侯世祿順義知縣率眾降。辛丑大軍逼燕京。

上親營於城北土城關之東。兩翼兵營於東北。明總兵滿桂侯世祿來援至德勝門。寧遠巡撫袁崇煥總兵祖大壽屯沙窩門外。莽古爾泰爾分兵爲三。時敵於右偏伏兵甚衆。豪格獨趨右偏。敗其伏兵。追殺至城濠。餘三貝勒阿巴泰阿濟格多爾袞由正路入。擊敗敵兵。亦追殺至城濠。先是獲明太監二人監守之。至

是副將高鴻中參將鮑承先遵上密計。坐近二太監
故作耳語云。今日撤兵計也。頃上車騎向敵。有二人
來見語良久乃去。意袁巡撫有密約。事可立就矣。時
楊太監者佯卧竊聽。庚戌縱之歸。後聞明主用楊監
言。執崇煥入城磔之。祖大壽大驚。率所部奔錦州。毀
山海關而出。十二月壬子。總兵吳納格克固安縣。
盡殲其衆。丙寅大軍發良鄉。趨燕京。營於京城西
北隅。聞明滿桂。墨黑雲龍麻登雲孫祖壽四總兵。柵
永定門南二里許。以三鼓進兵。丁卯黎明。十旗大譟。
齊進。毀柵而入。斬滿桂。孫祖壽。副將參遊等。凡三十

人擒黑雲龍麻登雲壬申遣阿巴泰等畧通州焚毀
船隻攻張家灣克之遣巴克什達海愛巴里齋與明
議和書二一置德勝門外一置安定門外丁丑遣
岳託等率精兵四千圍永平遂克香河縣

上與大貝勒等往視薊州情形會山海關步兵來援過於
城外二里許悉擊殲之

天聰四年正月辛巳朔大軍抵灤河壬午至永平甲
申攻克之兵備道鄭國昌知府張鳳奇推官羅成功
皆仰藥死戶部郎陳此心兵備道白養粹草職副將
孟喬芳等皆降丙戌留貝勒濟爾哈朗等兵一萬守

城大軍向山海關進發。擢白養粹爲巡撫。孟喬芳楊文魁爲副將。戊子孟喬芳楊文魁聲遠自永平來見。

諭曰朕不似爾明朝之君與臣下情意隔絕。凡我臣僚皆令侍坐。各吐衷曲。飲食同之。己丑命教漢等蒙古兵攻昌黎縣。諭以克城財物任取之。教漢等諸貝勒樹梯攻城。爲敵所推墮。不能克。

上聞曰昌黎兵甚少。何難攻克。遣達爾哈等領千人助之。仍不克。

上自攜攻具攻之。

諭曰倘拔其城違命者悉殲之城上木石鎗礮齊發火燎
梯折因焚近城廬舍而還明灤州降命固山額真
納穆泰等率兵守之命貝勒阿巴泰率護軍駐防
漢兒庄城辛丑遇明兵八營皆擊敗射殺其兵部
尚書劉之綸二月

諭曰昨攻永平城副將阿山葉臣與猛士二十四人冒火
登城乃我國第一等驍勇人也以後毋得再令攻城
但令立諸貝勒固山額真左右對敵時同進彼自欲
攻城亦宜止之廝卒中有一二次率先登城者亦不
可再令攻城以示愛惜材勇之意丙辰

諭諸貝勒曰爾等蒙天祐凡事皆當處之以義毋貪黷以利己毋偏庇以徇人天人一理在下士卒悅服則天心亦嘉與之矣。自天聰三年十月征明抵燕京轉克遵化永平灤州遷安諸處。二月甲子班師命貝勒阿巴泰濟爾哈朗薩哈廉文臣索尼甯完我喀木圖率將士鎮守永平。文臣鮑承先白格率將士鎮遷安。固山額真圖爾格納穆泰偕文臣庫爾纏及高鴻中率將士守灤州。察哈喇偕文臣范文程守遵化。三月庚寅命大貝勒阿敏貝勒碩託率兵往代阿巴泰等鎮守永平灤州遵化遷安等處。四月辛酉貝勒

阿巴泰濟爾哈朗薩哈廉等率所部兵凱旋。五月
明監軍道張春監紀官邱禾嘉總兵祖大壽馬世龍
楊紹基副將祖大祿祖可法張宏謨劉天祿曹恭誠
孟啟等率兵攻灤州。固山額真納穆泰等屢擊却之。
阿敏碩託遣大臣巴都禮率數百人往而盡收遷安
守兵及居民入永平。明兵復攻灤州。納穆泰等不能
支遂棄城奔永平。明兵截戰我兵陣歿四百餘人。阿
敏碩託將城內歸降漢官巡撫白養粹知府張養初
太僕卿陳玉庭行人崔及第主事白養元知縣白珩
掌印官陳清華主業宏陳元美叅將羅墀都司高攀

桂等悉戮之。並屠城中百姓。收其財帛。乘夜棄永平城而歸。出冷口。其遣守遵化察哈喇等亦棄城還。眾貝勒大臣議阿敏十六罪。請誅之。

上免死幽禁。奪所屬人口。奴僕財物牲畜。碩託草貝勒爵。奪所屬人口。湯古代希爾吉納穆泰巴布泰圖爾格雍舜備禦松俄圖遊擊恩特愛木布路叅將布山備禦黑勒尼馬察郎什德爾得赫各坐罪有差。七月定議。

太祖庶妃所生子。阿拜塔拜巴布泰巴布海賴慕布又弟之子。吳達海塔津拜伊圖鞏阿岱舒爾赫哈木加旗

叔吳霸席庫撒哈席庫機爾塔席庫又姑母瑚雷與
姨母之子柏爾肯卜賴吳布泰吳齊勘分代席爾談
發庫又勒克舒子孫及顏布魯等俱免徭役

天聰五年正月造紅衣大將軍礮成錫曰天祐助威
大將軍我國造礮自此始

上幸文館觀巴克什達海所譯武經內有昔良將用兵有
餽輦醪者投諸河與士卒同流而飲夫輦醪不能味
一河之水而思爲致死者以滋味之及己云云
上諭曰觀古史所載將帥必體恤士卒如我額駙顧三台
與敵交鋒士有戰死者以繩繫其足曳歸輕蔑士卒

若此何以得其死力乎。三月以御書三函與兩大貝勒及議政十貝勒八大臣。令直言國事。於是大貝勒代善莽古爾泰貝勒阿巴泰濟爾哈朗墨根戴青多爾袞岳託額爾克楚虎爾多鐸杜度薩哈廉蒙格固山額真額楞禮額駙達爾哈和碩圖色勒喀克篤禮伊爾登葉臣各有所奏。五月命總兵官額楞禮喀克篤禮率兵征南海島。六月親定功臣襲職例。七月議設統兵將帥。每固山額真下兩翼各設梅勒額真一員。每甲喇各設甲喇額真一員。其隨從紅衣大將軍。令總兵官修養性管理。又定官制。設立

六部每部以貝勒管理其下設承政叅政啟心郎改
巴克什爲筆帖式本賜名者仍之聞明總兵祖大
壽等與築大凌河城晝夜督催因統大軍征之八
月壬寅次舊遼河蒙古諸貝勒各率兵來會癸卯
命貝勒德格類岳託阿濟格率兵由義州進發屯於
錦州大凌河之間以俟丁未兩路軍俱抵大凌河
時城牆已完遂進圍之

上以攻城恐傷士卒乃命楞額禮達爾哈率本旗圍北面
之東阿巴泰率護軍在後策應覺羅色勒圍正南莽
古爾泰德格類策應宗室篇古圍南之西濟爾哈朗

策應。吳納格圍南之東。喀克篤禮圍東之北。多鐸策
應。伊爾登圍東之南。多爾袞策應。和碩圖圍西之北。
代善策應。鄂本對圍正西。葉臣圍西之南。岳託策應。
蒙古諸貝勒各率所部兵圍其隙處。冬養性載礮當
錦州大道而營。諸將各固守汛地。勿縱一人出城。又
環城掘濠。深廣各丈許。濠外築牆。高丈許。牆上加垛
口。牆內距五丈餘地。又環掘濠。廣五尺。深七尺五寸。
濠上鋪秫稻覆以土。營外亦掘濠。深廣各五尺許。城
內不能通出入者。辛亥招降大凌河。西山一臺。南
岡一臺。壬子繫書於矢。射入大凌河城。諭諸蒙古。

癸丑明兵出城誘戰。我副將孟坦屯布祿備禦多
貝侍衛戈里及士卒十人歿於陣。是日以礮攻降城
西南隅一臺。甲寅大凌河岸一臺降。又以礮攻城
東一臺崩。丙辰城外一臺降。丁巳明兵二千自
松山來援前哨阿山等擊敗之。甲子命阿濟格等
率精兵往錦州。松山遮擊明兵。丁卯明兵六千來
攻阿濟格營。時大霧靄面不相識。及敵將至有青氣
自天衝入敵營。霧中開如門。於是阿濟格碩託列陣
以待。大敗敵兵。追至錦州城下。擒遊擊一員。獲馬二
百有六。八月辛未大凌河城內城兵突出。我兵來

攻敗之。九月乙亥命譚布邀擊明兵出城樵採者。

丁亥聞明兵援錦州。

上率親隨護軍前行。明兵七千潰遁。斬副將一員。收軍拜天。

庚寅使卒偽爲錦州援兵。

上親率護軍伏於山內。祖大壽見之。率兵出城。宗室篇古等四營齊出。明兵大敗。

上率伏兵掩至。敵奔入城。自是不敢復出。乙未明太僕

寺卿賈道張春總官吳襄鍾緯等率副將以下百餘

員馬步兵四萬來援。過小凌河。

上欲擊之。見其壁壘嚴整。乃止。戊戌明兵起營。趨大凌河。

距城十五里立營。我先遣精騎扼敵歸路。兩翼兵直衝其營。敵陣堅不動。火器齊發。聲振天地。我右翼衝入。明總兵吳襄副將桑阿爾賽等先奔。時有黑雲從風西來。向我軍。敵乘風縱火。勢甚熾。將逼我陣。天忽雨。反風向敵。敵遂潰。遇伏。悉殲焉。生擒張春。張洪謨等三十餘員。盡獲其駝馬器械。張春獨不跪。上怒。援弓欲射之。代善諫曰。此人欲以死成名。奈何殺之。以遂其志。遂置之。是戰也。祖大壽復以爲計。誘故無一人出者。是晚遣賜張春珍饌。春不食。固求死。後餓二日。復賜食。乃受而食之。後每飯。

上皆親閱以賜。十月遣祖大壽書招之降。未幾城中糧

盡析骸而炊。殺人而食。大壽欲突圍不得。復遣陳獲
參將姜新招之。大壽降志乃決。遣其養子祖可法爲
節。諸貝勒問曰。爾等死守空城。何意。曰。因前屠戮永
平遼東降民。是以畏死耳。岳託曰。遼東之事。我等不
勝追悔。永平乃二貝勒阿敏所爲。已論罪幽禁矣。戊
戌大壽殺其副將何可剛以降。可剛含笑而死。十
一月縱祖大壽入錦州。丁巳大軍旋。張春不肖薙髮。
令與白喇嘛同居三官廟。

天聰六年正月。管兵部事貝勒岳託言。先年克遼東

廣寧誅漢人拒命者。後復屠永平灤州。以是人懷疑懼。縱極力曉諭。人亦不信。今天以大凌河與我。臣愚以爲當善撫養。撫養之道。當先與以家室。凡一品官。以諸貝勒女妻之。二品官。以國中大臣女妻之。仍出公帑。以給其需。各官宜令諸貝勒人給莊一區。復察各牛錄下寡婦。給配各官從人。至明之兵。考察漢民女子寡婦。及八貝勒下莊頭女子。令其配給。其餘更令殷實商賈。分給婚配。毋致一人失所。則人心歸附。而大業可成矣。詔納之。

賜門都號阿爾薩蘭土謝圖布庫杜爾麻號詹布庫特木

德赫號巴爾巴圖魯布庫三人皆蒙古人膂力絕倫
善角觝。二月以大凌河歸降。及俘獲漢人分隸副
將下各五十名。叅將下各十五名。遊擊下各十名。盡
令移居瀋陽。以國中奴女千口配之。其餘令國中諸
貝勒大臣各分四五人。配以妻室。善撫養之。三月
以國書十二字頭。無圈點。上下字雷同。無別命。巴克
什達海酌加圈點。以分析之。四月親率大軍征察
哈爾。次都勒河。聞察哈爾汗林丹奔庫黑得勒酥。乃
還。趨歸化城。會有察哈爾國左界與喀喇莽奈之境
相接。因罷征明之師。復往征察哈爾。五月大軍次

胡喇戶。以察哈爾遁。復議征明。大軍次木魯哈喇。
克沁命貝勒阿濟格等率左翼兵掠大同宣府一帶。
濟爾哈朗等統右翼兵掠歸化城黃河一帶。六月。
遣書明沙河堡官索回察哈爾逃入堡中人畜及賞
察哈爾財物悉送出。遣官賚書詣大同。賜知宣府
各官議和。甲子。與明宣化巡撫沈某總兵董某等
議和定盟約。大軍還。
天聰七年正月。諭各牛錄額真曰。田疇廬舍。民生攸
賴。勸農講武。國之大經。民間樹藝。一一嚴飭。徭役勿
累貧民。再督率所率。三時習射。此係我國制勝之技。

可不努力學習耶。三月遣貝勒濟爾哈朗築岫巖城。貝勒阿巴泰築攬盤城。貝勒阿濟格築通遠堡城。貝勒杜度築驪場城。分兵駐守。八月壬戌遣貝勒阿巴泰等統兵二千畧明山海關一路。俘人畜二千四百有奇。

天聰八年正月乙巳

上御殿命阿爾薩蘭與土謝圖濟農巴達禮托薩克圖杜楞布塔齊噶爾珠塞特爾三貝勒下選拔力士六人較力。阿爾薩蘭一一高舉擲之人稱奇勇。二月命阿山率護軍大兵鼇拜等畧錦州。三月戊子還。辛

卯命譚泰圖爾格畧錦州。四月以瀋陽爲天眷盛
京。赫圖阿喇城爲天眷興京。辛巳初命禮部考取
通滿洲蒙古漢書文義者爲舉人十六人。各賜衣一
襲。免四丁。宴於禮部。五月征東海虎爾哈部季思
哈吳巴海遣人奏捷。俘獲男婦馬牛皮張。各有差。

七月

上親率大軍由宣府畧朔州一帶。定議四路兵俱於七月
十八日入邊。八月命諸貝勒率兵畧山西代州朔
州等路。甲子攻克應州石家村堡。甲戌

上圍大同城。壬午大軍至懷遠。癸未大軍至右左衛城南。

駐營。閏八月甲戌駐城東。丙午駐左衛河北。丁亥
攻萬全左衛克之。庚寅班師。十二月命梅勒章京
霸奇蘭申喇章京薩木什喀率兵征黑龍江。分別
崇管牛錄。遣吳巴海荆古爾代率兵征瓦爾喀。
天聰九年正月詔

太祖庶子稱阿哥。六祖子孫俱稱覺羅。命繫紅帶以別之。
如人相訾不得詈及祖父。違者罪死。二月以和碩
墨爾根戴青貝勒多爾袞貝勒岳託薩哈廉豪格爲
統兵元帥。固山額真納穆泰爲右翼。吏部承政圖爾
格爲左翼。率護軍及精兵萬人往收察哈爾林丹汗

之子額爾克字漢改果爾額哲。上年察哈爾亂。其汗已死。其屬來歸者紛紛。故有是舉。四月。霸奇蘭等捷音至。收服壯丁二千四百八十三人。口七千三百有二。俘婦女幼稚一百十六。牲畜他物稱是。吳巴海等捷奏至。收服壯丁五百六十。婦女五百口。幼穉九十。又俘婦女六十六。牲畜他物稱是。五月。命和碩額爾克楚虎爾貝勒多鐸等率兵入寧錦界。明兵禦我。大凌河奔潰。追斬其副將劉應選。擒遊擊曹得功。殲其兵五百人。距錦州城五里。收軍還。多爾袞等奏。大軍至西喇朱爾格。遇察哈爾汗妻囊囊太后瑣諾。

木台吉率一千五百戶降。隨渡黃河。抵額哲所駐托里圖。其國無備。額哲及其母蘇泰太后率眾寨桑并部民一千戶歸降。是歲東方之國。兩次來歸。察哈爾舉國內附。各處蒙古俱降。惟明國僅存。然國事日非。亡不久矣。八月。多爾袞等凱旋。獲歷代傳國玉璽。元順攜逃沙漠。後隨遺失。越二百餘年。牧羊者見羊三日不食。以蹄跑地。掘獲之。後歸林丹汗。今得於蘇泰太后所。其文漢篆制誥之寶四字。璫璣爲質。交龍爲紐。光氣煥爛。洵至寶也。多爾袞等三貝勒率兵並察哈爾汗子額爾克孔果爾額哲及其大臣畧明

山西一帶自平魯衛入朔州抵長城。經寧武關代州忻州崞縣黑峯口應州而復還平魯。斬明兵六千餘人。俘人畜七萬六千二百有奇。乃出邊凱旋。設蒙古都統八旗各一下。設副都統叅領各二。